

# TESTAMENTE E NCHA III

## Lenane-thuto

Notes

### THUTO EA #1:

- I. Selelekela sa thuto.
- II. Li-Epistole tsa Chankaneng (mangolo).

### THUTO EA #2:

- III. Li-Epistole tsa Bolisa.
- IV. Kereke ea Moloko oa Bobeli: Selelekela.

### THUTO EA #3:

- IV. Kereke ea Moloko oa Bobeli. (nts'etso-pele.)
- V. Bokreste ba Morao Mahareng a Bajuda ba Balumeli.

### THUTO EA #4:

- VI. Kholo ea Tlhoriso le Bolumeli ba Gnosticism.

### THUTO EA #5:

- VI. Kholo ea Tlhoriso le Bolumeli ba Gnosticism. (nts'etso-pele.)  
Tlhahlobo.

# TESTAMENTE E NCHA III

Notes

—

## Tlhahlobo

### **Lipotso tse ka lebelloang, limaraka li 20**

- 1) Hlalosa hore na Li-Epistole tsa chankaneng li amana joang (leq. 376).
- 2) Hlalosa hore na ho etsahetseng ka 70 A.D. le litla-morao tsa eona (leq. 384).
- 3) Bua ka gnosticism: ke eng, hobaneng e le bothata? (maq. 387,389)

### **Lipotso tse ka lebelloang, limaraka li 10**

- 1) Fana ka lethathamo la lintlha tsa buka ea Baefese (maq. 376,377).
- 2) “Onesimose” e bolelang, hantle-ntle ke mang? (leq. 378)
- 3) Likarolo tse kholo tsa Li-Epistole tsa Bolisa ke li fe? (leq. 379)
- 4) Boleng ba buka ea Jakobo ke bo fe? (maq. 384)
- 5) Boleng ba buka ea Baheberu ke bo fe? (Maq. 385)
- 6) Ntlha kholo/le temana ea mantlha ea 1Petrose ke e fe? (leq. 390)

# TESTAMENTE E NCHA III

## I. Selelekela.

Notes —

### **Lithuto tsa Tatellano tsa Testamente e Ncha:**

Joaloka lithuto tsa Testamente ea Khale, ha re na khona ho etsa lithuto tsohle tsa Testamente e Ncha lithutong tse tharo tsa tatellano. Morero oa rona ke ho sheba ka bokhuts'oane lintlha tsa Testamente e Ncha, re li etse pokello e itseng, re boele re ithute lihlooho tse akaretsang, le lintlha tse ling tse tla hloauoa tse otlolohileng.

Ha re se re qetile lithuto tsena tsa tatellano tse tharo, re lokela be re na le bokhoni ba ho bua ka kutloisiso e akaretsang ea Testamente e Ncha. Re tla ba le monyetla oa ho bua ka eona boemong bo tebileng, ka likarolo tse itseng tse khethehileng tsa eona.

Sepheo sa rona ke ho akofisa lithuto tsa Testamente e Ncha ka ho etsa ts'ebetso ea kutloisiso bakeng sa libuka tse 27 tsa Testamente e Ncha, e le pokello ea tsona kaofela, le likarolong tse ling tse ikemetseng.

### **Lithuto tsa Likarolo tse tharo tsa Testamente e Ncha:**

Testamente e Ncha I: Li-Evangeli le Jesu Kreste. Ena e kenyeletsa Matheu, Mareka, Luka, and Johanne.

Testamente e Ncha II: Tlhaho ea Kereke. Ho kenyeletsa Liketso, Baroma, 1 & 2 Bakorinthe, Bagalata le 1 & 2 Bathesalonika.

Testamente e Ncha III: kakofa ea Kereke. Hona ho kenyeletsa Li-Epistole tsa Teronkong, Li-Epistole tsa Bolisa, Li-Epistole tse Akaretsang le Baheberu.

Lithuto tsena li hahiloa ka tatellano. Haeba o sa qete lintlha tsohle tsa karolo ea pele, qala thuto ea #2 moo e qeteletseng ea #1. Ke ntho e ts'oanang bakeng sa ho qala ha karolo ea #3 (ka baka lena, kaorolo ea #3, e ts'oere litaba tse fokolang haholo ha ho bapisoa le tse peli tse qalang kaha e le qeteliso feela ea tse peli tse qalang).

# TESTAMENTE E NCHA III

## Notes

### A. Lintlha tse fumanoang thutong ena.

1. Thuto ena e fana ka lintlha tse bonts'ang kakofo ea Kereke ea Testamente e Ncha, joalokaha e ile ea phela ea ba ea sebetsa kahar'a lefats'e la Roma.
2. Re tla ithuta lintlha tse latelang:
  - a. "Li-Epistole/Mangolo a chankaneng" (Baefese, Bafilipi, Bakolose, le Filemone).
  - b. "Li-Epistole/Mangolo a Bolisa" (1 & 2 Timothea le Tite).
  - c. Kereke ea moloko oa bobeli.
  - d. Bokreste ba Morao mahareng a Bajuda ba Balumeli (Jakobo, Baheberu).
  - e. Kholo ea tlhoriso le gnosticism (1 & 2 Petrose, 1, 2, 3 Johanne, Juda le Ts'enolo).

#### Maikutlo a Sengoli:

Kaha hona e le karolo ea boraro thutong tsa Testamente e Ncha, e tla lokela ho qala moo o qeteletseng tse ling tse peli teng.

Ka tebello ea hore ho tla ba le tse ling tsa lintlha tseo ho sa buuoang ka tsona lithutong tse peli tse qalang, karolo ena e khuts'oane ho feta tseo tse peli tse qalang.

# TESTAMENTE E NCHA III

## II. Li-Epistole tsa Chankaneng (mangolo).

Notes

### A. Ho ts'oaroa le ho hlahleloa ha Paulosi chankaneng.

1. Ho ts'oaroa ha Paulosi (sheba Liketso 21:27-36).
  - a. Paulosi o ile a ts'oaroa Jerusalema kamor'a hore a phethele leeto la hae la boraro.
  - b. O ne a qosetsoa ho tlisa molichaba tikolohong ea tempele ho eo ho neng ho thoe ke ea Bajuda feela.
    - 1) Ketso ena e ile ea tsoala moferefere.
    - 2) E ka 'na ba moferefere ona o ile oa akofisoa ke Bajuda ba ileng ba hlorisa Paulosi Asia e Nyane (sheba Liketso 20:16-19).
    - 3) Taba ke hore, qoso ena e ile ea akofisoa ke botumo ba Paulosi ba hore o sireletsa balichaba, ha a natse molao. (sheba Lik 21:17-26; Bag 2:1-10).
    - 4) Paulosi o ne a leka ho choatla lerako le arotseng Bajuda le Balichaba (Bae 2:14; Bag 3:28).
2. Ho hlahleloa ha Paulosi chankaneng (sheba Lik 23:23-26:32).
  - a. Kamor'a hore Paulosi a ts'oaroe Jerusalema, o ile a isoa Sesaria moo e ileng eaba mots'oaruoa lilemo tse peli (Lik 24:27).
  - b. Kamor'a mona, Paulosi o ile a romeloa Roma eaba o behoa ntlong ea bots'oaruoa bakeng sa lilemo tse peli (Lik 28:16, 30, 31).

# TESTAMENTE E NCHA III

Notes —

## B. Lintlha tse ts'oanang kahar'a Li-Epistole tsa Chankaneng.

1. Mangolo ana kaofela a ne a ngoletsoe chankaneng (leha ho shebahala e ka a ngotsoe nakong eo Paulosi a leng chankaneng e Sesaria, bopaki bo supa hore a ngoletsoe ha a le ntlong ea bots'oaruoa Roma) (sheba Bae 4:1; 6:20; Baf 1:12-14; Bak 4:10, 18; le Filemone 1, 9, 10, 13, 23).
2. Batho ba ts'oanang, ba ne ba na le Paulosi mangolong ana kaofela.
  - a. Mareka, Demase, Arisetarekose, Luka, Epaforase (Bak 4:10, 14; Filemone 23, 24).
  - b. Mofetise oa melaetsa hangata e ne e le Tikikose (sheba Bae 6:21; Bak 4:7; Filemone 10; le Bak 4:9).
3. Litaba tse ts'oanang li ea fumanoa libukeng tsena (haholo Baefese le Bakolose).
  - a. Krete e le hlooho (Bae 1:22, 23; Bak 1:18, 19).
  - b. Ho apara le ho hlobola (Bae 4:22-25; Bak 3:5-14).
  - c. Litaello malebana le likamano le phelisano (Bae 5:21-6:9; Bak 3:18-4:1).

## C. Buka ea Baefese.

1. Lintlha tse akaretsang tsa Baefese.
  - a. Menyetla le matla a Bakreste (likhaolo 1-3).
  - b. Maikarabello a Mokreste (likhaolo 4-6).
  - c. Likarolo tsena tse peli li ka boetse tsa hlaloso a le lithuto feela tse lokelang ho tsejoa (likhaolo 1-3) empa tse ka behaoang ts'ebetsong (likhaolo 4-6).

# TESTAMENTE E NCHA III

2. Lethathamo le batsi la lintlha tsa Baefese (ho ipapisitsoe le buka ea Watchman Nee).<sup>1</sup>

a. Lekunutu la ho “Lula” (likhaolo 1-3).

1) Boemo ba matla le taolo.

2) Re tsositsoe le Krete.

b. Lekunutu la ho “Tsamaea” (Bae 4:1-6:9).

1) Khato ea ho loka.

2) Krete o phela ka hare ho rona (sheba Bag 2:20).

c. Lekunutu la ho “Ema” (Bae 6:10-24).

1) Ponahatso ea matla.

2) Lintoa tsa rona ke tsa semoea, kahoo le matla le taolo ea rona ke ea semoea.

3. Ntlha-kholo ea Baefese – ketso ea ho phela bophelo ba Bokreste lefats’eng le sa lokang.

4. Ntlhana ea Baefese – ho se hloeke ha lefats’e ha ho bapisoe le batho, empa le meea e susumelletsang batho ho se hloekeng (mohlala 2:2, “ho ea ka ‘musi ea renang sebakeng”).

## **D. Buka ea Bafilipi.** (lintlha tse akaretsang tsa Bafilipi.)

1. Karolo ea 1 – Litumeliso (Baf 1:1,2).

2. Karolo ea 2 – Teboho le thapelo (Baf 1:3-11).

3. Karolo ea 3 – Litholoana tse ntle tsa ho ts’oaroa ha Paulosi (Baf 1:12-26).

4. Karolo ea 4 – Taelo le Qholotso (Baf 1:27-2:18).

5. Karolo ea 5 – Tlhaloso ea ho romela ba bang ho bona (Baf 2:19-30).

Notes

—

# TESTAMENTE E NCHA III

## Notes —

6. Karolo ea 6 – nts’etso-pele ea taelo le qholotso (Baf 3:1-4:9).

7. Karolo ea 7 – Teboho ea limpho (Baf 4:10-19).

8. Karolo ea 8 - Khetho (Baf 4:20-23).

TLHOKOMELISO: thuto ea sehlooho ea Bafilipi ke  
Thabo ho Krete, le ka har’a mats’oenyeho.

### **E. Buka ea Bakolose.**

1. Lintlha tse akaretsang tsa Bakolose.

a. Tumeliso le thapelo (Bak 1:1-14).

b. Borena le Mosebetsi oa Krete (Bak 1:15-2:23).

c. Khothaletso ea ho phela ho latela Borena ba Krete  
(Bak 3:1-17).

d. Likamano tsa lelapa (Bak 3:18-4:1).

e. Litaello tsa ho qetela le litaba tse ling tse akaretsang (Bak 4:2-18).

2. Thuto ea sehlooho ea Bakolose – Jesu Krete: Morena le Molopolli.

### **F. Buka ea Filemone.**

1. Lebitso “Onesimose” le bolela “molemo kapa ho ka thusanang/ho ka sebelisoang”. Hlokomela kamoo Paulosi a sebelisang lebitso lena (o sebelisa lebitso lena le moelelo oa lona ka phapanyetsano) temaneng ea 10, 11.

2. Molao le tloaelo ea ka nako eo, e ne e le hore ho thakhisoe lekhoba le balehileng ha le ne le ka fumanoa.

a. Re lokela ho bala Filemone ka kutloisiso.

b. Re tla elelloa hore lengolo la Filemone ke lengolo la thapello le kopelo ea mohau.



# TESTAMENTE E NCHA III

## Ntlha ea Puisano

Notes

Bua ka litsela tseo o ka sebelisang Filemone ho etsa boithuto ba Bibe le ka ntlha e amanang le thapello kapa kopelo ea mohau.

### III. Li-Epistole tsa Bolisa.

#### Maikutlo a Sengoli:

1 & 2 Timothea le Tite li bitsoa “mangolo a Bolisa” ka baka la hobane a shebana le litaelo le mesebetsi ea balisa (baetapele ba kereke ea lehae).

#### A. Lintlha-kholo tsa Mangolo a Bolisa.

1. ‘Moho le ntlha-kholo ea “bolisa”, hona le lintlha-kholo tse amanang le ho itlhokomela khahlanong le lithuto tse khelohileng, le ho itlhokomela khahlanong le bolefats’e ka kerekeng.
  - a. Thuto e Khelohileng (sheba 1 Tim 1:3-11; 3:14-4:5; 6:3-10; 2 Tim 3:1-17; 4:1-4; le Tite 1:10-16).
  - b. Bolefats’e (sheba 1 Tim 4:1-5; 6:17, 20; 2 Tim 2:16; 3:1-4; 4:10; le Tite 2:11-13; 3:9)

#### B. Buka ea 1 Timothea.

1. Lintlha tse akaretsang tsa 1 Timothea.
  - a. Tumeliso le Taelo (1 Tim 1:1-20).
  - b. Likhethaletso le litaelo (1 Tim 2:1-6:19).
    - 1) Thapelo (1 Tim 2:1-8).
    - 2) Basali (1 Tim 2:9-15).
    - 3) Baholo le Batieakone (1 Tim 3:1-13).
    - 4) Bokhelohi (1 Tim 4:1-5).

# TESTAMENTE E NCHA III

## Notes —

5) Boits'oaro le Botumo ba Mosebeletsi (1 Tim 4:6-16).

6) Bahlolohali (1 Tim 5:1-16).

7) Baholo (1 Tim 5:17-25).

8) Basebeletsi (1 Tim 6:1-16).

9) Barui (1 Tim 6:17-19).

c. Qetello (1 Tim 6:20, 21).

2. Thuto ea sehlooho le temana ea mantlha ea 1 Timothea.

a. Thuto ea sehlooho – khothatso le keletso ho mohlanka e monyane malebana le tsamaiso ea kereke le boits'oaro ba bolisa le mosebetsi oa mohlanka.

b. Temana ea mantlha ke - 1 Tim 3:15

### Ntlha ea Puisano

Hlalosa kamoo 1 Tim 3:15 e lokelang ho sebelisoa e le temana ea mantlha e akaretsang buka ea 1 Timothea.

## D. Buke ea 2 Timothea.

1. Lintlha tse akaretsang tsa 2 Timothea.

a. Litumeliso le selelekela (khaolo 1).

b. Khothatso le litaello (khaolo 2).

1) Boitelo le tiisetso (2 Tim 2:1-13).

2) Keletso ea botho (2 Tim 2:14-26).

# TESTAMENTE E NCHA III

- c. Matsatsi a qetellang le Boitukisetso (khaolo3).
  - d. Taelo e matla ea ho bolela lentsoe (2 Tim 4:1-8).
  - e. Litaba tse akaretsang (2 Tim 4:9-22).
2. Thuto ea sehlooho le temana ea mantlha ho 2Timothea.
- a. Thuto ea sehlooho – nts’etso-pele ea khothatso le keletso ho mohlanka e monyenyanane.
  - b. Temana ea mantlha - 2 Tim 4:5, “empa uena o its’oare linthong tsohle, o tiisetse mats’oenyehong, o etse mosebetsi oa ho phatlalatsa Molaetsa o Molemo, o phethe ts’ebetso ea hau hantle.”

## Ntlha ea Puisano

Bolela kamoo 2 Tim 4:5, e ka sebelisoang ka teng e le temana ea mantlha ho akaretsa 2 Timothy.

### E. Buka ea Tite.

- 1. Lintlha tse akaretsang ho Tite.
  - a. Tumeliso (Tit 1:1-4).
  - b. Litaelo (Tit 1:5-2:15).
    - 1) Ho khethoa ha Baholo (Tit 1:5-16).
    - 2) Litaelo tse khethehileng ho ea lihlopheng tse khethehileng (Tit 2:1-15).
  - c. Litaelo tsa ho qetela bakeng sa ho phela bophelo bo lokileng (Tit 3:1-11).
  - d. Litaba tsa botho (Tit 3:12-15).

Notes

# TESTAMENTE E NCHA III

## Notes

2. Thuto ea sehlooho le temana ea mantlha ho Tite.

- a. Thuto ea sehlooho – keletso le khothatso malebana le maikarabello a bosebeletsi le bophelo bo hloekileng.
- b. Litemana tsa mantlha - Tit 1:5; 2:11; 2:15; 3:8, “O bue litaba tsena...”

### Ntlha ea Puisano

Bolela kamoo Tit 1:5, 2:1, 2:15, le 3:8 li ka sebelisoang ho akaretsa buka ea Tite.

## IV. Kereke ea Moloko oa Bobeli.

### A. Litaba tsa Histori.

1. Pele re sheba boithuto bo akaretsang ba libuka tsa morao tsa Testamente e Ncha, re lokela ho sheba litaba tsa histori.
2. Nakong eo libuka tse kang 1 Petrose le 1 Johanne li neng li ngoloa, e ne e le nakong eo moloko oa pele oa kereke o fetisetsang lesokoana molokong oa bobeli oa kereke.
  - a. Moloko oa pele o ile oa tsejoa ka cheseho e kholo, matla le mafolofolo.
  - b. Moloko oa bobeli oona o qalile ka mekhoha e fapakaneng e ileng ea fetola maikutlo le tlhakisiso ea bophelo ba kereke. Re rata ho ithuta liphapano tsena, le hore na li ile tsa ama kereke joang.

### B. Karohano ea qetelo ea Bokreste ho Bojuda.

1. Kereke ea Bokreste e qalile e le kereke ea Bajuda. Mathomong, evangeli e ne isoa ho Bajuda. Lefats’eng la Roma, Bokreste bo ne bo nkuoa e le karolo ea Bojuda.
2. Moloko oa kereke oa pele o ile oa kenyeletsa litloaelo tsa Bajuda, ‘me hona ha etsa hore ho be thata hore kereke e be ntho ea lichaba tsohle (sheba Bag khaolo ea 2). Bothata e ne e le hore na Bakreste bao e neng e le balichaba ba tla kena joang Sejuding.

# TESTAMENTE E NCHA III

3. Moloko oa bobeli oa kereke o ile oa bulehela lefats’e lohle.

- a. O ile ea lonts’a bothata bona. Ho ena le hore ba kenelle Sejudeng, ba ile ba batla tsela ea ho itlhalohanya le Bajuda (sheba Baf 3:2).
- b. Toants’ong ena ea mokhoa oa sejuda, ho ile ha hlaha khohlano e ngoe hape e tebileng. Kereke e ncha ea lefats’e, e ile ea hlahisa mathata a mang a amanang le lefats’e.

Notes

## C. Qaleho ea litlhoriso tsa Roma.

1. Kereke ea mongoaha oa pele e ile ea fumana tlhoriso e kholo ho tsoa ho Bajuda. Lefats’e la Roma lona le ne le nka kereke e le ntho ea Bajuda, kahoo, Maroma ha a ka a ts’osoa ke eona kapa ho ts’oenyeha ke eona.
2. Molokong oa bobeli, kereke e ile ea ba ea lefats’e lohle. E ile ea qala ho ts’osa le ho ts’oenya baetapele ba lefats’e.
3. Hang ha kereke ea moloko oa bobeli e qala e pharalla lefats’eng la Roma, Maroma a ile a qala ho loana. Hona e ile ea ba qaleho ea tlhoriso e kholo ea kereke.

## D. Lefu la Baapostola le “lits’iea” tsa Kereke ea Moloko oa Pele.

1. Kereke ea moloko oa pele e ne e na le boemo bo itseng ba taolo. Baetapele ba eona ba ne ba tsamaea le ho bua le Krete. E ne e le lipaki tsa lefu, tsoho le nyolohelo ea Jesu.
2. Ha batho bana ba shoa, ho ile ha ba bobebe ho thunthetsa ‘nete. Lithuto tsa bokhelohi li ile tsa hlaha li le ngata, ‘me hoo ea ba bothata bo boholo. Ts’oso ea lithuto tse fosahetseng e ile ea tsoelapele.

# TESTAMENTE E NCHA III

## Notes —

### E. Ts'enyō ea Jerusalema ka 70 A.D.

1. Moloko oa pele oa kereke, o ne o na le kopano le Bajuda. Boetapele ba Roma ba ka nako eo, bo ne bo lumeletse bolokolohi ba tumelo.
2. Ha moloko oa bobeli oa kereke o qala ho haha boleng ba bona bo bocha, e ile ea fumana tlhoriso ho tsoa Roma. Tlhoriso ena e ile ea mpefala nakong eo Boetapele ba Roma bo theolang boleng ba melemo bakeng sa Bajuda.
3. Qetellong, Jerusalema le tempele li ile tsa sengoa.
  - a. Leha hona ho ile ha eketsa ho pharalatsoa ha evangeli (ka ho qhalanya Bakerste), ho boetse ha eketsa monyetla oa lithuto tsa bokhelohi, haholo thutong ea bofelo (liketsahalo tsa mehla ea qetelo).
  - b. Bakreste ba bangata ba ne ba lebeletse hore Krete o tla khutla hang-hang, kamor'a nako e seng kae. Ba ne ba kopanya ho khutla ha hae le ho senyeha ha tempele. Ha a sa khutle ka mor'a ketsahalo ena, hona ho ile ha akofisa pherekano, pelaelo, le liphoso, tse ileng tsa hlahisa lithuto tsa bohata tse ngata.

### V. Bokreste ba morao mahareng a Bajuda ba Balumeli.

#### A. Buka ea Jakobo.

1. Boleng ba buka ea Jakobo.
  - a. Buka ea Jakobo ke e ngoe ea libuka tse akaretsang haholo Li-Epistoleng tsa Testamente e Ncha. E batla e akaretsa haholo malebana le baamoheli. Leha ho le joalo, jaoloka Baheberu, e bonahala e ngoletsoe Bakreste ba Bajuda (sheba Jakobo 1:1).
  - b. Buka ea Jakobo e boetse ke e ngoe ea li-Epistole tse batlang le ho laela mesebetsi e le sesupo sa Bokreste. E buoa haholo ka mesebetsi e etsoang ka tumelo. E tiisa litholoana tse bonahalang tsa thuto-Molimo (sheba Jakobo 1:27).

# TESTAMENTE E NCHA III

## 2. Lintlha tse akaretsang tsa Jakobo.

- a. Lengolo lena, ke pokello ea mehopolo e sa khoneng ho haheha ka mokhoa oa lethathamo la lintlha. Leha ho le joalo, thuto ea sehlooho e hlakile. Lengolo lena le etsa tlhakisiso pakeng tsa Bokreste ba 'nete le Bokreste ba bohata.
- b. Kahoo, re tla arola buka ena ka lintlha tsena tse peli.
  - 1) Thuto le Bokreste ba 'nete.
  - 2) Thuto le Bokreste ba bohata.

## 3. Thuto ea Sehlooho le litemana tsa mantlha bukeng ea Jakobo.

- a. Thuto ea sehlooho- tumelo e phelang e bonahatsoa le ho netefatsoa ke mesebetsi. Tumelo ea bohata e bonahatsoa ka lipolelo tsa tumelo, empa hoo ho sa kenyeletse liketso tse lumellanang le tumelo eo.
- b. Litemana tsa mantlha- Jakobo 1:27 le Jakobo 2:26; “tumelo e se nang mesebetsi e shoele.”

### Ntlha ea Puisano

Bolela hore na Jakobo 1:27 le 2:26, li ka sebelisoa ho akaretsa buka ea Jakobo joang.

## B. Buka ea Baheberu.

### 1. Boleng ba buka ea Baheberu.

- a. Joaloka Jakobo, Baheberu e bonahala e ngoletsoe Bakreste ba Bajuda (sheba Baheberu 1:1).
- b. Ntlha-kholo ea buka ena ke boholo ba selekane se Secha holima selekane sa Khale. Lenstoe “betere ho feta” le sebelisitsoe bonyane makhetlo a 11 boemong bona.
- c. Selekane se “betere”, se lokela ho labalabeloa. Buka ena e reretsoe hore e hlakise taba ena, le ho khotlaetsa Bajuda ba Bakreste ho tsoellapele le Krete, ‘me ba se ke ba khutlela Bojudeng.

Notes

# TESTAMENTE E NCHA III

## Notes —

### 2. Lintlha tse akaretsang tsa Baheberu.

#### a. Krete o moholo ebile ke hlooho ea selekane se betere (Bah 1-10:18).

1) Selelekela (Bah 1:1-4).

2) Litsela tse fapakaneng tseo Krete a leng “hantle ho fetisa” (Bah 1:5-7:28).

3) Litsela tse fapakaneng tseo selekane se secha se leng “betere” ho feta selekane sa Khale (Bah 8:1-10:18).

#### b. Bophelo bo bonahalang ba tumelo (Bah 10:19-13:17).

1) Litlhaloso le Mehlala (Bah 10:19-12:4).

2) Ho otloa ha Bakreste (Bah 12:5-11).

3) Boits'oaro le bophelo ba Bakreste (Bah 12:12-13:17).

#### c. Qetello (Bah 13:18-25).

### 3. Lithuto-kholo le litemana tsa mantlha tsa Baheberu.

#### a. Lithuto-kholo tsa Baheberu.

1) Mats'oenyeho (Bah 2:9-18).

2) Phomolo (Bah 4:1-11).

3) Boprsta (Bah 3:1-11; 5:1-10; 7:1-8:6).

4) Boholo ba Krete le selekane se secha (sheba lintlha tse ka holimo).

5) Tumelo (khaolo 11).

#### b. Litemana tsa mantlha - Bah 1;1, 2; 3:1; le 8:6; “ke ‘moelanyi oa selekane se betere...”



# TESTAMENTE E NCHA III

## Ntlha ea Puisano

Notes —

Bolela hore na Bah 1:1,2, 3:1, le 8:6, li ka sebelisoa ho akaretsa buka ea Baheberu joang.

## VI. Kholo ea Tlhoriso le Gnosticism.

### A. Lits'oso tse kholo haholo lilemong tsa morao tsa kereke ea Testamente e Ncha, e ne e le tlhoriso le Gnosticism.

#### 1. Tlhoriso.

##### a. Tlhoriso ka boetapele ba Roma.

- 1) Ka Nero (64-68), Roma e ile ea etsa molao oa tlhoriso khahlanong le Bakreste.
  - a) Nero o ile a iqobeletsa ka Bakreste bakeng sa mollo o ileng oa chesa toropo ea Roma ka 64 A.D.
  - b) Bakreste ba ile ba hlokofatsoa, ba thakhisoa, 'mele ea bona e ne e sebelisoa e le "li-toche" tse khants'ang jareteng tsa Nero bosiu.

#### 2) Pusong ea Ba-Domina (lilemong tsa bo-90).

##### b. Ho phahama ha tlhoriso ea Bajuda.

- 1) Ha Bokreste bo ntse bo hola, tlhoriso e ile ea phahama haholo ho tsoa ho Bajuda.
- 2) Empa Bojuda le Bokreste li ile 'ne tsa arohana joalo-joalo.
- 3) Bajuda ba ne ba nyefola Bakreste ba neng ba sa nke karolo ntoeng e neng e le khahlanong le Baroma (66-70).

# TESTAMENTE E NCHA III

## Notes

### c. Tlhoriso e akaretsang.

- 1) Nakong ea moloko oa bobeli oa kereke, Bakreste ba ne ba nyatsoa ke bohle. Tlhoriso le mats'oenyeho e ne e le karolo e tsebahalang ea bophelo ba Bokreste.
- 2) Kahoo, libukeng tsa ho qetela tsa Testamente e Ncha, thuto ea mats'oenyeho bakeng sa Krete e phetoa hangata. Tlhaloso, tokafatso, le khotatso malebana le mats'oenyeho e ea fanaoa likarolong tse ngata tsa libuka tsena.

### 2. Gnosticism.

#### a. Tlhaloso ea Gnosticism.

- 1) Gnosticism e buoa haholo ka “tsebo”.
- 2) E re, ts’enolelo ea Molimo e ka fumaneha ka thuso ea karolo ea popo ea bomolimo ea botho le ka meea e meng, ‘me ho fumana tsebo ka mokhoa o joalo, ho ntso ka tlisa tokolloho ea semoea le kamano le Molimo (pholoho ka tsebo ea boleng ba botho ba bomolimo).
  - a) Hantle-ntle, ketso ea ho amohela tsebo e qalile ka khato ea lekunutu.
  - b) Gnosticism e shebana haholo le ts’enolelo e tlišoang ke moea oa motho. E nka tumelo e le ntho e fokolang ha e bapisoa “tsebo”.
  - c) Gnosticism e ile ea etsa lihlopha tsa batho ba neng ba ipitsa Bakreste, ‘me e ile ea hlahisa lithuto tse ngata tsa bohata kahar’a kereke.

# TESTAMENTE E NCHA III

3) Gnosticism e tiisa taba ea ho fokola ha lefutso ho sohle se phelang.

- a) E lumela hore tlholeho ea lefats'e lohle ke phoso, hape Molimo oa Testamente ea Khale o fapane le Molimo eo Jesu a neng a re ke Ntat'ae.
- b) Kahoo, leha balumeli ba ntho'ena ba bolela hore Jesu Krete ke mopholosi (hoo ke hore, pholoho e fumanoa ka lithuto tsa hae), ha ba lumele boiponahatsong ba Molimo-bothong hobane Molimo ha a kopane le eng kapa e eng e ts'oarehang, e bonahalang.
- c) Tefelo bakeng sa balumeli bana ba Gnosticism, e tla ka tsebo. Ha e tle ka sefapano.

b. Bothata ba Gnosticism.

- 1) Bothata e ne e le hore tse ling tsa lithuto tsa Gnosticism li ne li tsoakanyoa le lithuto tsa Bokreste. Balumeli ba bangata ba Gnosticism ba ne ba ipitsa Bakreste.
- 2) Re bona likarolong tse ling tsa mangolo a morao a Testamente e Ncha a khalema lithuto tsa gnosticism (sheba 1 Petr 3:18; 1 Jn 1:1; 4:2; 2 Jn 7). Libuka tsena li reretsoe ho pepesa gnosticism le ho lemosa Bakreste ka thetso e jeroeng ke ntho'ena.

Notes

—

# TESTAMENTE E NCHA III

## Notes —

### B. Libuka tsa 1 & 2 Petrose.

1. Hona le lithuto tse supileng tseo Petrose a buileng ka tsona mangolong a hae.
  - a. Liqholotso tse babatsehang tsa tumelo (1 Petr 1:7).
  - b. Mali a babatsehang a Krete (1 Petr 1:19).
  - c. Lejoe le phelang (1 Petr 2:4).
  - d. Lejoe le babatsehang la motheo: Krete (1 Petr 2:6).
  - e. Moea o babatsehang, o bonolo, o imametseng (1 Petr 3:4).
  - f. Tumelo e babatsehang (2 Petr 1:1).
  - g. Lits'episo tse babatsehang (2 Petr 1:4).
2. 1 Petrose.
  - a. Thuto ea sehlooho ea 1 Petrose.
    - 1) Tlholo le kahar'a mats'oenyeho.
    - 2) Lentsoe mats'oenyeho le phetoa bonyane makhetlo a 15.
  - b. Temana ea mantlha ea 1 Petrose - 1 Petr 4:1, "kaha Krete a hlorisitsoe ka baka la rona..."

#### **Ntlha ea Puisano**

Bolela hore na 1 Petr 4:1, e ka sebelisoa ho akaretsa buka ea 1 Petrose.

3. 2 Petrose.
  - a. Thuto ea sehlooho ea 2 Petrose – tlhokomeliso khahlanong le baruti ba bohata le ts'usumetso ea Gnosticism.
  - b. Temana ea mantlha ea 2 Petrose - 2 Petr 2:1, "ho tla ba le baruti ba bohata har'a lona..."

# TESTAMENTE E NCHA III

## Ntlha ea Puisano

Notes —

Bolela hore na 2 Pt 2:1, e ka sebelisoa ho akaretsa buka ea 2 Petrose.

### C. Libuka tsa 1, 2, 3 Johanne le Juda.

#### 1. 1 Johanne.

##### a. Thuto ea sehlooho ea 1 Johanne .

- 1) Tlhaselo ea ts'usumetso ea gnosticism ka ho akofisa tsebo ea 'nete le tsetsiso ea litlhahlobo tse etsang tlhalohanyo e hlakileng pakeng tsa hoo e leng 'nete le hoo e leng leshano.
- 2) Johanne o fana ka li-pheo tse 'ne tsa ho ngola lengolo lena (sheba 1 Johanne 1:4; 2:1; 2:26; 5:13).

##### b. Temana ea mantlha ea 1 Johanne - 1 Johanne 2:21, “ha ho leshano le ka tsoang ‘neteng...”.

## Ntlha ea Puisano

Bolela hore na 1 Jn 2:21, e ka sebelisoa ho akaretsa buka ea 1 Johanne.

#### 2. 2 Johanne.

- a. Thuto ea sehlooho ea 2 Johanne – tlhokomeliso khahlanong le lithuto tse khelohileng.
- b. Temana ea mantlha ea 2 Johanne - 2 Johanne 7, 8, “hohle lefats’eng ho tletse bathetsi...”

## Ntlha ea Puisano

Bolela hore na 2 Jn 7, 8, li ka sebelisoa ho akaretsa buka ea 2 Johanne.

# TESTAMENTE E NCHA III

## Notes —

### 3. 3 Johanne.

- a. Thuto ea sehlooho ea of 3 Johanne – Tlhokomelo ea Bakreste.
- b. Temana ea mantlha ea 3 Johanne - 3 Johanne 8, “re ts’oanetse ho thusa batho ba joalo (baeti)...”

#### Ntlha ea Puisano

Bolela hore na 3 Jn 8, e ka sebelisoa ho akaretsa buka ea 3Johanne.

### 4. Juda.

- a. Thuto ea sehlooho ea Juda – tlhokomeliso e ngoe malebana le baruti ba bohata le gnosticism.
- b. Temana ea mantlha ea Juda - Juda 3, 4, “hona le batho ba bang ba keneng har’a lona ka sekhukhu...”

#### Ntlha ea Puisano

Bolela hore na Juda 3, 4, e ka sebelisoa ho akaretsa buka ea Juda.

## D. Buka ea Ts’enolo.

1. Thuto ea sehlooho ea Ts’enolo – bonnete ba lintoa tsa semoea le ho tla ha matsatsi a bofelo.
2. Boithuto bo khethiloeng ba Ts’enolo.
  - a. Hona le lintho tse ngata haholo tseo re ka ithutang tsona bukeng ena. Ena ke buka eo re lokelang ho lula haholo ho eona le ho ithuta eona ka botebo.
  - b. Empa, kaha re phethela lithuto tsa tatellano tsa Testamente e Ncha, re tla fana ka bohlokoa ba likereke tse supileng tse hlalositsoeng qalong ea buka ena.

# TESTAMENTE E NCHA III

## Ntlha ea Puisano

Sebelisa sets'oants'o se latelang ho buoa ka  
karolo ea ts'enoalelo e kholo e ileng ea fuoa  
Johanne

(hlokomela: karolo e bitsoang "Histori" e bonts'a  
karolo e le ngoe ea litsela tse ngata tsa ho toloka serapa  
sena).

Notes

lit	Lebitso la kereke le tthaloso	Lintlha tse ntle	Lintlha tse mpe	Ts'episo ho ba tla hlola	Histori
2:1-7	Efese:kereke e ts'oereng tsa pele	Liketso tse ntle; tiisetso; ho hloea bobe	Ba tlohetse lerato la pele	Bophelo bo sa feleng paradeisinng	Nako ea morao-rao ea baapostola
2:8-11	Semirna:kereke e futsanehileng empa Jesu a e bitsa e ruileng	Tiisetso	Ha ho letho	E ke ke ea ba karolo ea lefu la bobeli;moqhaka	Litlhoriso tsa mongoaha oa pele
2:12-17	Peregamose: kereke e nang le ts'usumetso e mpe	Boitelo; bonehelo bo tletseng; tiisetso	Mamello lithuto tse khelohileng; ho se hloke	Lijo tsa moea; leboitso le lecha	Nakong ea puso ea Constantine
2:18-29	Thiatira:kereke e mamellang moea oa Jezebele	Liketso tse ntle; lerato; bosebeletsi; tiisetso	Mamello ea ts'usumetso e mpe e isang ho se hloekeng	Puso; mphetlatlatsane;	nakong ea bopapa;
3:1-6	Saredeise:kereke e nang le lebitso le tummeng empa e shoele	Litho tse ling li hloekile	boikaketsi	Liaparo tsa bohloeki; ho eloa hloko leholimong	Linako tse mahareng
3:7-13	Filadelfia: kereke e nang le bots'enehi	Bots'epahi; matla; tiisetso	Ha ho letho	Boemo bo holimo leholimong;	Nakong ea nchafatso
3:14-22	Laodisea:kereke e sa bateng, e sa cheseng	Ha ho letho	Fofo:boikho homoso	Ho lula teroneng le Jesu	Matsatsing a qetello

# TESTAMENTE E NCHA III

## Notes

### Qetello ea boithuto:

Hona ho phethela Testamente e Ncha III, moo re ile ra shebana le lintlha-kholo le lihlooho tse amanang le kakofo ea Kereke ea Testamente e Ncha. Boithuto bona bo kenyeletsa mangolo a chankaneng (Baefese, Bafilipi, Bakolose, le Filemone), mangolo a bolisa (1 & 2 Timothea, le Tite), moloko oa bobeli oa kereke, Bokreste ba morao mahareng a Balumeli ba Bajuda (Jakobo le Baheberu), le kholo ea tlhoro le gnosticism (1 & 2 Petrose, 1, 2, 3, Johonne, Juda le Ts'enolo).

Hona e boetse ke qetello ea lithuto tsa tatellano tsa Testamente e Ncha. Re ts'epa hore boithuto bona bo u file tlhokomelo e akaretsang le kutloisiso e akaretsang ea Testamente e Ncha.



# TESTAMENTE E NCHA III

## Libuka tse qotsitsoeng

<sup>1</sup>Watchman Nee, Sit, Walk, Stand (Wheaton, Ill.: Tyndale House Publishers, Inc., 1979).

Notes —

# TESTAMENTO E NCHA III

Notes —